



THEOT Song of the Three Children in IES77

Text taken from Accordance Module=Mahibere Hawariyat

Drafts 1-3 were prepared by the Addis Ababa Transcription Team, directed by Daniel Assefa; Draft 4, Ralph Lee

- Sg Three 3:24 ወአንሶሰዉ ማእከለ እቶነ እሳት ወአእኩትዎ ለእግዚአብሔር ወባረክዎ።
- Sg Three 3:25 ወቆመ አዛርያ ወጸለየ ከመ ዝ ወከሠተ አፉሁ ማእከለ እሳት።
- Sg Three 3:26 ወይቤ ይትባረክ እግዚአብሔር አምላክ አበዊነ እኩት ወስቡሕ ስምክ ለዓለም።
- Sg Three 3:27 እስመ አንተ ጻድቅ በኩሉ ዘአምጻእክ ላዕሌነ እሙን ኩሉ ግብርክ ወርቱዕ ኩሉ ፍናዊክ ወጽድቅ ኩሉ ኩነኔክ።
- Sg Three 3:28 ወግበር ፍትሐ ወርትዐ በኩሉ ዘግበርክ ለነ ወዲበ ሀገረ አበዊነ ኢየሩሳሌም ቅድስት እስመ በኩነኔ ጽድቅክ አምጻእክ ዘኩሉ በእንተ ኀጢአትነ።
- Sg Three 3:29 እስመ አበስነ ወጌገይነ ዘኀደግናክ ዐመፅነ በኩሉ ወኢሰማዕነ ትእዛዝክ።
- Sg Three 3:30 ኢዐቀብነ ወኢገበርነ በከመ አዘዝክነ ከመ ይኩን ሠናየ ላዕሌነ።
- Sg Three 3:31 ኩሉ ዘአምጻእክ ላዕሌነ ወኩሉ ዘግበርክ ዲቤነ በኩነኔ ጽድቅክ ገበርክ።
- Sg Three 3:32 ወመጠውከነ ውስተ እደ ፀርነ ኃጥአን ወዐላውያን እለ ርሑቃን ወግሑሣን እምኔክ ወንጉሥ ዐማዒ ወእኩይ እምኩሉ ምድር።
- Sg Three 3:33 ወይእዜኒ አኮ ድልወት ለነ ንክሥት አፉነ ኀፍረት ወዝንጓጌ ኮኖሙ ለአግብርቲክ ለእለ ይፈርሁክ።
- Sg Three 3:34 ወኢትመጥወነ ለግሙራ በእንተ ስምክ ወኢትሚጥ ኪዳነክ።
- Sg Three 3:35 ወኢታርሕቅ ምሕረተክ እምኔነ በእንተ አብርሃም ፍቁርክ ወበእንተ ይስሐቅ ቊልዔክ ወበእንተ እስራኤል ቅዱስክ።
- Sg Three 3:36 እለ ተናገርኮሙ ወትቤሎሙ ከመ ታብዝኀ ዘርዖሙ ከመ ኮከበ ሰማይ ወከመ ሻጻ ዘድንጋገ ባሕር።
- Sg Three 3:37 እስመ ውጉዳን እሙንቱ እምኩሉ አሕዛብ። ወኮነ ኀሱራነ በኩሉ ምድር ዮም በእንተ ኀጢአትነ።
- Sg Three 3:38 አልቦ በዝ መዋዕል መልአክ ኢ ነቢይ ወኢ ንጉሥ ኢ ቊርባን ወኢ መሥዋዕት ወኢ ኀበ ያጸንሕሑ ዕጣነ ወኢ ብሔር ኀበ እለ ይፈርዩ በቅድሜክ ይርከቡ ሣህለክ።
- Sg Three 3:39 ዘእንበለ በነፍስ የዋህ ወበመንፈስ ትሑት ተወከፍ ለነ።
- Sg Three 3:40 ከመ ዘመሥዋዕተ ሐራጊት ወአልሕምት ወከመ ዘአእላፍ አባግዕ ሥቡሓን ከማሁ ይኩን መሥዋዕቲነ በቅድሜክ ዮም ወፍጹመ ይኩን በኀቤክ ከመ ኢይትኀፈሩ ኩሎሙ እለ ይትዌከሉ ብክ።
- Sg Three 3:41 ወይእዜኒ ንተልወክ በኩሉ ልብነ ወንፈርህክ ወነኀሥሥ ገጸክ ዳእሙ ኢታስተኀፍረነ።
- Sg Three 3:42 ወግበር ምስሌነ በከመ ተመይጦትክ ወበከመ ብዝኀ ምሕረትክ አድኀነነ በተአምሪክ ሀብ አኩቴተ ለስምክ እግዚአ።
- Sg Three 3:43 ይትኀፈሩ ኩሎሙ እለ ያሐሥሙ ላዕለ አግብርቲክ ወይትኀፈሩ ወይኀስሩ በኩሉ ትዕግልቶሙ ወይትቀጥቀጥ ኀይሎሙ።
- Sg Three 3:44 ወያእምሩ ከመ አንተ እግዚአብሔር አምላክ ባሕቲትክ ስቡሕ በኩሉ ምድር ወበኩሉ ዓለም።
- Sg Three 3:45 ወኢኀደጉ ወዓልት አስተዋድዮቶሙ ኀበ ንጉሥ።
- Sg Three 3:46 ወወደጡ ውስተ እሳቱ ተየ ወፒሳ ወሰጠጽዮነ ወቀለምጺዳ ወአስፈሊጠ።
- Sg Three 3:47 ወተለዐለ ነበልባሉ እምእቶን አርብዓ ወተሰዓተ እመተ።
- Sg Three 3:48 ወያንሶሰ ወያውዒ ዘረከቡ ኀበ እቶኖሙ ለከለዳውያን።
- Sg Three 3:49 ወወረደ መልአክ እግዚአብሔር ምስለ እለ አዛርያ ወሚሳኤል ውስተ እቶነ እሳት ዘይነድድ ወዘበጦ ለነበልባለ እሳተ እቶን።

- Sg Three 3:50 ወረሰዮ ለነበልባለ እሳት ከመ ነፋስ ቈሪር ወኢለከፎሙ እሳት ለእሙንቱ ወኢ ምንትኒ ወኢስሐሞሙ ሥዕርተ ርእሶሙ ወኢያጽዐቆሙ።
- Sg Three 3:51 ወሶቤሃ እሙንቱ ሠለስቲሆሙ ኅቡረ ወበአሐዱ አፍ ወእእኩቱ ወባረክዎ ለእግዚአብሔር በውስተ እቶነ እሳት።
- Sg Three 3:52 ወይቤሉ ይትባረክ እግዚአብሔር አምላክ አበዊነ ስቡሕኒ ውእቱ ወልዑልኒ ውእቱ ለዓለም ወይትባረክ ስመ ስብሐቲሁ ቅዱስ ስቡሕኒ ውእቱ ወልዑልኒ ውእቱ በኩሉ ዓለም።
- Sg Three 3:53 ቡሩክ አንተ በጽርሐ ቅድሳተ ስብሐቲክ ስቡሕኒ አንተ ወእኩት አንተ ለዓለም።
- Sg Three 3:54 ቡሩክ አንተ ዘትሬኢ ቀላያተ ነቢረክ ላዕለ ኪሩቤል ስቡሕኒ አንተ ወልዑል አንተ ለዓለም።
- Sg Three 3:55 ቡሩክ አንተ በዲበ መንበረ መንግሥትክ ስቡሕኒ አንተ ወቡሩክ አንተ ለዓለም።
- Sg Three 3:56 ቡሩክ አንተ በመልዕልተ ሰማያት ስቡሕኒ አንተ ወክቡር አንተ ለዓለም።
- Sg Three 3:57 ይባርክዎ ኩሉ ግብረ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:58 ይባርክዎ ሰማያት ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:59 ይባርክዎ መላእክተ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:60 ይባርክዎ ኩሉ ማያት ዘመልዕልተ ሰማያት ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:61 ይባርክዎ ኩሉ ኀይለ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:62 ይባርክዎ ፀሐይ ወወርኅ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:63 ይባርክዎ ከዋክብተ ሰማይ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:64 ይባርክዎ ጠል ወዝናም ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:65 ይባርክዎ ኩሉ መንፈስ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:66 ይባርክዎ እሳት ወላህብ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:67 ይባርክዎ ሌሊት ወመዓልት ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:68 ይባርክዎ ጠል ወዐ ውል ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:69 ይባርክዎ ቊር ወአስሐትያ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:70 ይባርክዎ በርህ ወጽልመት ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:71 ይባርክዎ ደደክ ወመርቄ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:72 ይባርክዎ በረድ ወጊሜ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:73 ይባርክዎ መብረቅ ወደመና ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:74 ትባርኩ ምድር ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:75 ይባርክዎ አድባር ወአውግር ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:76 ይባርክዎ ኩሉ ዘይበቊል ውስተ ምድር ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:77 ይባርክዎ ቀላያት ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:78 ይባርክዎ ባሕር ወአፍላግ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:79 ይባርክዎ አንበር ወኩሉ ዘይትሐወስ ውስተ ማይ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:80 ይባርክዎ ኩሉ አዕዋፈ ሰማይ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:81 ይባርክዎ ኩሉ አራዊት ወእንስሳ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:82 ይባርክዎ ደቂቀ ዕንላ እመሕያው ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:83 ይባርክዎ እስራኤል ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:84 ይባርክዎ ካህናተ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:85 ይባርክዎ አግብርተ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:86 ይባርክዎ መንፈስ ወነፍስ ጻድቃን ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:87 ይባርክዎ ጻድቃን ወትሑታነ ልብ ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- Sg Three 3:88 ይባርክዎ አናንያ ወአዛርያ ወሚሳኤል ለእግዚአብሔር ስቡሕኒ ውእቱ ወልዑልኒ ውእቱ ለዓለም።

**Sg Three 3:89 እስመ አድነነ እምእደ ሲኦል ወእሞት ባልሐነ ወእምእቶነ እሳት ዘይነድድ አንገፈነ
ወአውፅአነ እማእከለ ነበልባል ግነዩ ለእግዚአብሔር ወጸውፁ ስሞ እስመ ኄር እስመ ለዓለም ምሕረቱ።**
**Sg Three 3:90 ባርክዎ ለእግዚአብሔር ኩልክሙ እለ ትፈርህዎ ለእግዚአብሔር ወግነዩ ለአምላክ አማልክት
ሰብሕዎ ወግነዩ ሎቱ እስመ ለኩሉ ዓለም ምሕረቱ።**